

1. PENGENALAN

Majlis Optik Malaysia (MOC) adalah badan regulatori yang bertanggungjawab mendaftarkan optometris dan juruoptyk, mengeluarkan Perakuan Pengamalan Tahunan (APC) optometris dan juruoptyk dan memantau perkhidmatan dan amalan optometri mengikut peruntukan di bawah Akta Optik 1991. MOC juga terlibat dalam penilaian dan pengiktirafan terhadap Program Optometri dan Opticianri yang dikendalikan oleh Pemberi Pendidikan Tinggi (PPT) di Malaysia.

2. PENCAPAIAN




2.1 SEKTOR PENGIKTIRAFAN, OPERASI & KEWANGAN

Sektor ini bertanggungjawab dalam pengiktirafan Program Optometri/Opticianri dan Penilaian APEL (C) bagi juruoptyk berdaftar.

Penilaian Pemantauan Akreditasi Program

Penilaian pemantauan akreditasi telah dilaksanakan ke atas tiga (3) program seperti Jadual 2.1.1.

Jadual 2.1.1
Penilaian Pemantauan Akreditasi Program

22 Jul.22  <i>Bachelor of Optometry</i> <i>(Hons) (MQA/FA 0100)</i>	09 Sep.22  <i>Bachelor of Optometry</i> <i>(Hons) (A 8261)</i>	10 Nov.22  <i>Diploma in Opticianry</i> <i>(MQA/FA 3114)</i>
--	--	---

Sumber: Sektor Pengiktirafan MOC

Pembangunan standard dan garis panduan

Dokumen Program Standard dan Garis Panduan Kelulusan Akreditasi Program Optometri/Opticianri versi 2.0 berdasarkan Code of Practice Programme Accreditation (COPPA) 2.0 dan Malaysian Qualification Framework (MQF) 2.0 telah disahkan dalam Mesyuarat MOC ke-80 (bil. 1/2022). Dokumen ini akan diedarkan kepada semua IPT yang menawarkan program optometri/opticianri di Malaysia.

Penilaian Accreditation of Prior Experiential Learning for Credit Award (APEL C)

Beberapa aktiviti berkaitan APEL (C) telah diadakan seperti berikut;



Jadual 2.1.2
Aktiviti Penilaian APEL C

Bil.	Aktiviti	Tarikh	Sasaran
1.	<i>Workshop on APEL (C) [Credit Award] – Practice Based Assessment</i>	3 Mac 2022	Jawatankuasa APEL (C) MOC
2.	Libat urus berhubung pelaksanaan APEL (C) MOC	18 Oktober 2022	Juruoptyk Berdaftar
3.	Taklimat pengisian portfolio APEL (C)	11 Mei 2022	13 calon APEL (C)

Sumber: Sektor Pengiktirafan MOC

2.2 SEKTOR PENDAFTARAN

Jawatankuasa Penilaian MOC (JKP) bertanggungjawab dalam perkara yang berkaitan dengan pendaftaran dan perakuan pengamalan tahunan optometris dan juruoptik (pengamal optometri) di Malaysia. Rajah 2.1 menunjukkan jumlah optometris dan juruoptik berdaftar bagi tahun 2022. Rajah .2 menunjukkan jumlah pengeluaran APC bagi tahun 2019 hingga 2022.



Sumber: Sektor Pendaftaran MOC


Professional Qualifying Assessment (PQA)

MOC bersama Pertubuhan Akademi Optometri Malaysia telah berjaya mengendalikan PQA bagi mendaftarkan graduan bidang opticianri yang mempunyai kelayakan yang tidak tersenarai dalam Jadual Pertama Akta Optik 1991 sebagai juruoptik berdaftar. PQA telah diadakan di Klinik Optometri UKM pada 18 Jun 2022 melibatkan 3 orang calon.

Hari Bersama Pelanggan

Hari Bersama Pelanggan telah diadakan pada 24 Mei 2022, 26 Julai 2022 dan 30 Ogos 2022 untuk memberi peluang kepada pengamal hadir ke pejabat MOC dan membuat permohonan APC serta mendapat sijil APC pada hari yang sama.

Imej 1.1
PQA, Klinik Optometri UKM



Imej 1.2
Hari Bersama Pelanggan



Sumber: Sektor Pendaftaran MOC

2.3 SEKTOR ETIKA DAN AKTA


Sektor ini bertanggungjawab ke atas pelaksanaan gubalan Rang Undang-undang Optometri, pindaan Jadual Akta Optik 1991 dan Peraturan-peraturan Optik 1994, pengendalian aduan berkenaan pengamal optometri dan perkhidmatan MOC serta pengendalian audit surveilans ke atas pengamal optometri.

Gubalan Rang Undang-undang Optometri

Penyata Impak Peraturan (RIS) bagi Rang Undang-Undang (RUU) Optometri telah diluluskan oleh Perbadanan Produktiviti Malaysia (MPC) melalui surat bertarikh 2 November 2022. RUU seterusnya akan dihantar kepada Penasihat Undang-Undang KKM dan Jabatan Peguam Negara untuk semakan.

Aduan

MOC menerima aduan daripada pelbagai saluran termasuk melalui e-mel (eaduan.moc@moh.gov.my), surat dan telefon. Jumlah aduan yang diterima dan diuruskan oleh MOC adalah seperti pada Rajah 2.3.1.



Sumber: Sektor Etika & Akta MOC

Audit Surveilans Optik

Audit Surveilans Optik (ASO) adalah audit yang dijalankan ke atas optometris dan juruoptik berdaftar yang menjalankan amalan optometri di premis optikal di Malaysia. Objektifnya adalah untuk menilai tahap pematuhan optometris dan juruoptik berdaftar terhadap Akta Optik 1991 dan Kod Tataamalan yang telah ditetapkan. Senarai optometris dan juruoptik berdaftar yang telah diaudit adalah seperti Jadual 2.3.2.

Jadual 2.3.2
Senarai Optometris dan Juruoptik Berdaftar yang telah Diaudit, 2022

Bil.	Tarikh	Tempat	Bilangan yang diaudit	
			Optometris	Juruoptik
1.	10 Mac 2022	Cyberjaya	11	3
2.	24 Mac 2022	Bangi Fasa 1	15	7
3.	19 Julai 2022	Bangi Fasa 2	21	2
4.	27 Julai 2022	Sepang	8	6
5.	25 Ogos 2022	Seksyen 7, Shah Alam	19	5
6.	13 Oktober 2022	Putrajaya	1	0

Sumber: Sektor Etika & Akta MOC

Sesi Libat Urus Majlis Optik Malaysia bersama Agensi Lain

Dalam usaha memperkasa aktiviti penguatkuasaan ke atas premis optik dan pengamal optometri di Malaysia, MOC telah mengadakan sesi libat urus bersama Bahagian Penguatkuasaan KPDNHEP pada 13 September 2022 dan 19 Oktober 2022 dan bersama Seksyen Pihak Berkuasa Tempatan, Unit Perancang Ekonomi Negeri (UPEN), Negeri Selangor pada 27 Oktober 2022.

Imej 2.3.3
Bahagian Penguatkuasaan KPDNHEP



Sumber: Sektor Etika & Akta MOC

Imej 2.3.4
Seksyen PBT, UPEN Selangor




2.4 SEKTOR KOMPETENSI

Peperiksaan Kanta Lepak bagi Juruoptik Berdaftar

Seksyen 30 Akta Optik 1991 memperuntukkan kebenaran untuk mempreskripsi dan mendispens kanta lekap kepada juruoptik berdaftar yang telah lulus peperiksaan kanta lekap yang diadakan oleh Majlis. Peperiksaan Kanta Lepak Amali bagi Juruoptik Berdaftar telah dijalankan pada 31 Mei 2022 & 1 Jun 2022 di Universiti SEGi, Kota Damansara, Petaling Jaya. Seramai 16 orang juruoptik berdaftar telah menduduki peperiksaan kanta lekap amali. Tiga (3) orang calon lulus dan 13 orang calon gagal dalam peperiksaan ini. Kebenaran Mempreskripsi dan Mendispens Kanta Lepak (Permit Kanta Lepak) telah dikeluarkan kepada juruoptik berdaftar yang lulus.

Continuing Professional Development (CPD)

Bagi memastikan pembelajaran dan pembangunan profesional sepanjang hayat yang sistematik dalam kalangan optometris dan juruoptik berdaftar, MOC giat menggalakkan semua pengamal optometri untuk berdaftar dan aktif membuat tuntutan mata CPD dalam sistem myCPD2.0. Jumlah pengamal optometri yang berdaftar dalam sistem myCPD dan Jumlah program dan event yang telah disahkan sepanjang tahun 2022 ditunjukkan pada Rajah 2.4.1 dan 2.4.2.



Sumber: Sektor Kompetensi MOC

